

author: Giraud, Edoardo
title: On secrista in di pettol : vaudeville
shelfmark: COLL.IT.0008/0008/09
library: Biblioteca nazionale Braidense - Milano - IT-MI0185
identifier: UBO1657807

Le riproduzioni digitali accessibili dalla Biblioteca digitale italiana di www.internetculturale.it sono per la maggior parte di dominio pubblico, e provengono dalle attività di digitalizzazione realizzate dalle biblioteche che possiedono gli originali e la proprietà delle riproduzioni digitali, e sono istituzioni partner del portale.

La riutilizzazione non commerciale è libera e gratuita nel rispetto della normativa vigente.

Ai fini della riutilizzazione commerciale e/o per ottenere un documento ad alta definizione contattare il detentore dei diritti del bene digitale utilizzando nel Download del documento, il contatto di posta elettronica.

Gli utilizzatori finali dei beni digitali, sia che riproducano parzialmente o completamente le immagini, dovranno sempre e comunque citare la fonte www.internetculturale.it

.....

The digital reproductions accessible from the Italian Digital Library www.internetculturale.it are mostly of public domain, and come from the digitization activities carried out by the libraries that own the originals and are ownership of digital reproductions, and are Institutions partner of the portal.

The non-commercial re-use is free in accordance with the local regulations.

To allow commercial reuse and/or to obtain a high-definition document please, contact the copyright holder of the digital object using the contact e-mail you can find in the Download of the document.

The terms of use of the Internet Culturale material states that the final users that reproduce images or part of them must mention the source www.internetculturale.it

www.intern

5/2/11
Biblioteca
di Storia



REPERTORIO
DEL
TEATRO MILANESE

ON SECRISTA
IN DI PETTOL

VAUDEVILLE
di E. GIRAUD



CARLO BARBINI EDITORE
Via Chiaravalle, 9.

Fasc. 79

PREZZO CENT. 35.

REPERTORIO DEL TEATRO MILANESE

A CENT. 35 AL NUMERO

Fascicoli pubblicati:

- Fasc. 1 *El zio scior*, commedia in 3 atti di C. Cima.
 » 2 *On nivolon d'estaa*, comm. in 3 atti di G. Bonzanini.
 » 3 *On prêt scapusc*, commedia in 4 atti di C. Cima.
 » 4 *Ona notizia falsa*, comm. in 2 atti di G. Duroni.
 » 5 *El Togn fachin*, comm. in 4 atti di G. Bonzanini.
 » 6 *I fœugh artificiaj*, commedia in un atto di Giovanni Duroni. — *Quarantott'or*, commedia in un atto di Camillo Cima.
 » 7 *I duu matrimoni*, comm. in 4 atti di C. Tanzi.
 » 8 *El vuj mi*, commedia in 2 atti di Giacomo Bonzanini. — *El di de S. Giorg*, farsa con coro e ballabile, dello stesso.
 » 9 *I duu tabar*, comm. in 3 atti di C. Cima.
 » 10 *I tri C e i tri D del bon gener*, commedia in 4 atti di Cletto Arrighi.
 » 11 *La donzella de cà Bellotta*, commedia in 5 atti di Camillo Cima.
 » 12 *El Barchett de Vaver*, commedia in 3 atti di Camillo Cima.
 » 13 *I Fanagoitoni*, comm. in 4 atti di Camillo Cima.
 » 14 *L'arobaleno in d'on cumò*, scene domestiche in un atto di G. Duroni. — *Pader, Ficeu e Stevenin*, comm. in un atto dello stesso.
 » 15 *El sbali d'ona tósa*, comm. in 4 atti di G. Duroni.
 » 16 *La mal maridada e la pesg imbattuda*, commedia in 4 atti di Giovanni Duroni.
 » 17 *La festa de Sant Luguzzon*, commedia in 3 atti di Camillo Cima.
 » 18 *Ona povera famiglia*, commedia in 4 atti di G. Duroni.
 » 19 *Ona scèna del 1847*, commedia in 4 atti di Giacomo Bonzanini.
 » 20 *On' ora in stamparia*, comm. in 2 atti di C. Cima. — *I deslipp del sur Bartolamee*, di G. Duroni.
 » 21-22 *El Barchett de Boffalora*, commedia in 4 atti di Cletto Arrighi. (Fascicolo doppio Cent. 70).
 » 23 *La caritàa pelosa*, commedia in 2 atti di G. Duroni.
 » 24 *Vun càs ed e l'alter che ven*, comm. in un atto di E. Ferravilla. — *La vendetta d'ona serva*, farsa in un atto dello stesso.
 » 25 *Martin Bonstomegh*, comm. in 5 atti, dei signori C. Di Monterezeno, G. Duroni e G. Bonzanini.

REPERTORIO DEL TEATRO MILANESE

Fascicolo 79.

2

NO

ON

SECRETISTA IN DI PETTOL

VAUDEVILLE

di

EDOARDO GIRAUD



MILANO

Presso - CARLO BARBINI - Editore

Via Chiaravalle, Num. 9

1877.

SR

La rappresentazione di questa produzione è sottoposta a
disposto dell'art. 13 della Legge 25 giugno 1865, N. 2337, e
all'art. 22 del relativo Regolamento 13 febbrajo 1867.

*Questa produzione è posta, per quanto riguarda la
stampa, sotto la salvaguardia della legge 25 giugno 1865,
N. 2337, quale proprietà dell'Editore CARLO BARBINI.*

Tipografia Gius. Gello, San Pietro all'Orto, 33.

ON SECRISTA IN DI PETTOL

ATTO UNICO
PERSONAGGI

El sur **Berlinghini**.
La sura **Berlinghini**.
Modest, segrista.
Nane, caporal.
Lussia, serva.

ATTO UNICO
PERSONAGGI

Camera con alcova. — Letto con tende. — Due porte laterali. — Scansia e apparato solito.

SCENA PRIMA.

Lussia *uscendo dall'appartamento.*

Lus. Sì, sì, hoo capii, hoo capii... ma che la staga sicura che el gh'è no in la mia stanza el sò crespìn. Che benedetta donna! la sa mai dove la mett la soa robba. Lee l'è semper adree a cercà quaicoss, e intant la me fa tribulà mi (*cerca di qua e di là*) Che cà! che cà! G'han nanca la stanza per la serva... me tocca de dormi li dedree, e de sòra maross, con duu fioeu de curà, che poss mai sarà on oeucc. S'el fuss minga perchè la sciòra l'è mia madrina, l'avariss già piantada e strapiantada.

Fa la servà al di d'incoeu

L'è pur anca on brutt mestee

No gh'è pu' l' toeu e poeu toeu,

L'è ben magher el palpee:

La padronna sulla spesa

La taccagna tutt i di,

La misura sulla pesa

Se on quai etto hoo faa spari.

Ah signor! l'è mej andà

Al telegrafo a imparà

Impiegada de Governo!

I padron mandi all'inferno!

Intrà anca che g'hoo el padron ch'el me lassa
mai sta coi sò commedi... (*battono*) Vòdi, ch'el
sia el mè Nane? (*si sente la voce di Modesto
dire:*) (Deo Gratias?) Ah el sur Modest (*apre*).

SCENA II.

Modesto e Lussia.

Mod. Buona sera, sura Lussia.

Lus. L'è chi lu! El ven a fagh visita alla padronna, eh? Per stassira l'è impossibil; la pò minga, l'è adree a vestiss per andà in conversazion col padron.

Mod. El soo, el soo: la preghi anzi de distur-

balla minga. Sont tant content de trovamm chi con lee, che la me ten allegher on poo, che la me fa passà i brutt penser!... perchè, che la me creda, mi g'hoo el coeur esulceraa in manera.... Già l'è inutil: *homo natus de muliere infelix erit semper*. Sigura! cossa la voeur: mi sont stracch de viv!

Lus. Ma cossa el bettega su adess! Ghe n'ha pù de di? Stracch de viv lu! On secrista della soa qualitaa!

Mod. Ah, lee la cred che perchè mi sont on secrista, abbia de vess on omm felice?... Come la se inganna! Mi vedi pur tropp i alter felici; mi sont in mezz ai felici... ai battesim, ai sposalizi, a tutte le feste possibili del Calendari; e mi ghe guadagni anca sui mort, ma el mè coeur l'è semper strengiuu. Se g'hoo el sorriso sulle labbra, l'è on sorriso de impostor: l'anima la piang.

Lus. El sa coss'el g'ha? Lu el g'ha di ciaccer. Ch'el disa puttost: El g'ha minga li on poo de quell tal vinetto de segrestia ch'el me porta semper, che l'è insci bon?

Mod. Tsss, tsss... (*facendo segno di tacere*) El gh'è, el gh'è (*leva dalla tasca una bottiglia*) La sa che mi ghe rifudi mai nient. Se la me domandass anca la gèsa con la soa cappella, ghe daria anca quella.

Lus. A proposit: el se ricorda cosa el m'ha promiss injer?

Mod. Sì, che me ricordi; i bigliett del Fossati per stassira. G'hin anca quij, eccoi chi. (*glieli dà*)

Lus. Insci va ben: bravo sur Modest! Hin bon per duu?

Mod. Hin duu, sicchè!

Lus. Grazie, grazie, neh. Adess me vestissi. Comincien ai vott e mezza, èh?

Mod. Sì, ai vott e mezza. (La va de dò cont el ballin. Adess l'andarà via, e la Leonora la restarà sola. Ah *Laus Deo!*)

Lus. (E el Nane che l'ha de vegni ai vott or?)

Mod. Adess però sent, famm on piasè: dagh alla toa padronna stà carta chi (*una lettera*).

Lus. Ehi, ehi, ona lettera sigillada!

Mod. O l'èh nient de mal, vèh! L'è on cuntarell per i cadregh... per i mess che l'ha faa di in gèsa per i pover mort. Però guarda ben de consegnaghela minga in faccia a sò mari, perchè hin piccol spès che la fa lee coi sò daneo.

SCENA III.

Berlinghini di dentro, poi esce, e detti.

Ber. (di dentro) Lussia! Lussia!

Lus. Ovej, el padron!

Mod. Scond la lettera.

Ber. E così Lussia, donca? (*sortendo*).

Lus. Sont chi cont el sur...

Ber. Oh Modest, come vala? L'è molto temp ch'el spetta?

Mod. El sarà on mezz minutt. La me diseva che l'era adree a vestiss.

Ber. Sigura. Hoo de andà a passà la sera in del mè cap d'uffizi.

Mod. Sol?

Ber. No, no, con mia miee.

Mod. E la sta ben?

Ber. Sì, minga mal; domà che de quai temp a sta part, la soffre on poo de dolor de testa. Semm comè tropp vesin alla gèsa chi, e qui benedett campann, che la fenissen mai! Anzi, se el podess fà in maniera de fai sonà on poo pussee poch e sott vòs... minga per alter, perchè a di' la veritaa, el me ven on poo anca a mi sto dolor.

Mod. Ch'el lassa fa de mi, che ghe taccarem on strasc al battacc. Adess per no disturbà, ghe levaroo l'incomod. Ch'el staga ben, sur Berlinghini, i mè rispett alla soa signora.

Ber. Riverisco, sur...

Mod. Nuovamente. (a *Lussia* piano) Me raccomandi la lettera. Manca minga de andà al Fossati, se no i bigliett hin pù bon.

Lus. (piano a *Modest*) Appenna c'hin andaa foera l'òr, voo foera anca mi.

Mod. (Va ben). Salve (via).

Ber. Ovej, ovej, coss'el te diseva in segrett el sur *Modest*.

Lus. Quand?

Ber. Adess.

Lus. Nient.

Ber. *Lussia*, guarda de di' minga i bosij, vèh! Andemm coss'el te diseva?

Lus. El me diseva che voo mai a messa.

Ber. Meno male. Sicchè, *Lussia*, abbia on poo de compassion.

Lus. Compassion de chi?

Ber. De mi *Lussietta*! T'el set ben, che mi te vuj ben.

Lus. Comè, lu el me voeur ben? Oh bella! el saveva propi minga. Ma de quanto temp?

Ber. Dal primm di che te se vegnuda in casa.

« Si, da quel di che t'ho veduta, la mia pace fu perduta. »

Lus. Ma el dis davvero? Ma ghe n'ha pù de dinn? On omm maridaa!

Ber. Sì, capissi... Ma cossa te voeut? mi poss pu regg! Mi quand sont a tavola che mangi on quai polaster a rost, e che pensi che te le faa andà ti, ghe pelucchi finna el becch! Mi hoo mai mangiaa tant come adess!... Pensi che tutt quell che ven in tavola, l'è faa di tò man, e mi pacci... e paccia che te paccia, me ven semper l'indigestion; ma fa nient, soffri anca quella perchè soo che la ven de ti.

Lus. Andemm, andemm, ch'el se scalmanna minga tant, che se soa miee la sentiss, guai!

Ber. Ovej, che bell'anell ch'el g'ha in dit! ghe l'ho mai vist.

Ber. Oh l'è ona turchesa con di brillant; el metti su nelle grandi occasioni.

Lus. Ma come l'è bell! come l'è bell! oh come el me piàs!

Ber. Lassa andà, lassa andà sti miseri adess. Mia miee la starà là appenna on para d'òr alla conversazion del cap d'uffizi, e poeu l'accompagnaroo a casa. Quand l'avaroo accompagnada a casa, e che l'avaroo missa in lett, mi faroo mostra de andà a fà la mia solita partida al caffè... (concerto).

SCENA IV.

Eleonora e detti.

- Ele.* Oh cosa vedi! faccia de tutti i di.
Ber. Leonora, s'era adree che...
Ele. Comè! Te ghe tanta faccia, propri sott ai mè oeucc.
Ber. No, Leonora, s'era adree che...
Lus. Speri che la sura padronna la crederà minga che...
Ele. No, no, de ti ghe pensi nanca; ma l'è de sto baloss chi che... Andemm donca, ch'el me daga el brasc. Lussia, te raccomandandi i fioeu, neh. El Pattan el dorma?
Lus. Oh l'è giamò ona mezz'oretta.
Ele. E la Ciaccin?
Lus. Anca lee, anca lee.
Ele. Se mai se dessedassen, mettegh in bocca on poo de ciccolatt Suchard, ch'el ghe fa insci ben.
Lus. Che la lassa fa de mi lee! (El ciccolatt el scisciaroo mi, e a l'òr ghe faroo sciscia i dit).
Ele. Te raccomandandi, neh! (al marito) Andemm (via).

Lus. (sulla porta facendo lume) Che se diverten ben! — Finalment hin andaa! Adess per on para d'òr poss fa quell che vuj mi. Andaroo al Fossati a godem duu o tri att; i bigliett hin chi... Oh povera mi! me sont minga ricordada de dagh la lettera del secrista alla padronna! Petta mi, petta mi... ghe la mettaroo chi sott alla bosia, che già el padron se ne serv mai perchè el g'ha semper el silin; insci quand la vegnarà a casa la troverà, e mi foo nanca la figura de daghela. — Ma adess che ghe pensi... i bigliett hin duu... a momenti ven el Nane, andaremm insemma. E poeu no, perchè bisògna che lassa in cà quaighedun a curà, per via di fioeu... Andaroo dessòra a toeu la soppressadora e lassaroo chi el Nane: el me voeur tant ben, ch'el me dirà minga de no.

SCENA V.

Nane cantando e detta.

Bella, se vuoi venir
 Con mi sulla laguna,
 Vieni a mirar la luna
 Che splende sull'empir.

Ma dimmi se tu m'ami,
 Se m'ami dillo ancora;
 Quest'è la più bell'ora
 Di potere far l'amor.
 Vien che tranquillo è il mar
 Soffia una dolce aurette
 Vien nella mia barchetta,
 Solinghi a remigar.
 Quando lontan sarò,
 Vogando in mezzo al mar,
 Di me non ti scordar,
 Lontan t'adorerò!

Lus. L'è lu: eh Nane!

Nane Addio Lussietta, come vala? la va ben mi
 si e ti anca mi.

Lus. El dis tutt'oss lu e s'ciao. Finna a che ora
 te ghet el permess?

Nane Finna a mezzanott, g'hoo temp de fa quell
 che me pâr e pias.

Lus. Vòj, eossa te faa, che l'è quindes di che
 te vegnet minga?

Nane Son staa quindes di in prevost a pan e
 acqua.

Lus. Te n'avaree faa voeunna di tò!

Nane Adess: te cunti. S'era de guardia alla ca-
 serma. Passa via el tenent Gamella: l'era
 dannaa come on còpp, che forse l'aveva per-

duu a giugà: El me ciama: Tromba. Presente.
 Voi non *siette* stato sul guard'a voi quando io
 sono passato: v'insegnerò io a rispettare i vo-
 stri superiori! starete tre giorni consegnato.
 E mi: — mèj, sur tenent, g'aveva nanca on
 ghell. E lu allora: auzi i tre giorni li farete in
 crottone. E mi: *grassie*, insci riposi. E lu an-
 camò: Dunque sei. — Ma magari dodes! E
 lu allora sto boja come g'avess ditt quai cossa
 de mal, el se mett a vosà: Caporal de guar-
 dia. Mettetelo ai ferri, al crottone, a pan e
 acqua. — E ferr e crottone a pan e acqua e
 consili de guerra, e el maggior auditor che ghe
 vegness on fulmin el voreva che me conda-
 nassen in galera in vita per tri ann.

Lus. Vòsa minga tant.

Nane E perchè, mo! Hoo veduu i tò padron sul
 canton della strada.

Lus. Sì, va ben, ma te podet dessedà i fioeu
 che dormen là denter.

Nane Te ghe reson, te ghe reson: l'è vera, g'aveva
 minga pensaa. Che ghe vegniss el ranf anca a lôr.

Lus. Già ti i fioeu te piasen no.

Nane No, te se ingannet... mi anzi ghe voeuri on
 ben all'anima, ma me piasen no quand hin
 appenna nassuu.

Lus. Te disaret minga insci quand te saret
 pader ti.

On secrista in di pettol.

Nane Può darse, ma mi già no ghe tegno a sto avanzamento.

Lus. Coss'è ch'el dis? Ej, el se ricorda pù de quell ch'el m'ha promess quand l'avarà fenii i sò ann de servizi? e ghe manca giust poch di...

DUETTO.

Nane Anima mia, scalmanet no
Mi sont tutt tò, mi sont tutt tò,
Se di volt scherzi, mi te vuj ben
De ti sont pien, de ti sont pien.
Ven chi, Lussietta, ven chi el mè amor.
Te see 'l mè fior, te see el mè fior:

Lus. Te saret semper tutta per mi
E mi per ti e ti per mi.
Te me consolet coi tò paroll:
Perdonem, strengem intorna al coll,
Sont la Lussia che te voeur ben,
Col coeur che s'cioppa: per ti l'è pien.

Nane Oh! t'el giuri mi sont tutt per ti: te faria nanca on corno, nanca se me fassen general: t'el set ben che ben che te vuj. Lassa che fenissa i mè ann e poeu te vedaret el tò Nan. Vòj a proposit, stamattina han tajaa i cavej a tutt al reggiment: mi n'hoo miss via on filzoeu per ti: tè, ciappa.

Lus. No, no, tegni pur i tò cavej; tegni per st'inverno... ti mettaret al post de prima, insci te tegnaran cald.

Nane Ti voeut minga? i tegnaroo per mi (hin bon per on'altra). Vòj, disi, la conversazion l'è bella e bonna; ma disi la veritaa, se ghe fuss quaicossa de mastegà, no me dispiasirav.

Lus. Te ghe set al busillis, ti. No te penset che a mangia.

Nane L'è minga vera, perchè me pias anca a bev.

Lus. L'è ona brutta giornada incoeu. El padron el mangia ch'el pàr che l'abbia mai mangiaa. È vanzaa nient a, disnà... però gh'è li del ciccolatt suchard, se t'el voeut... Vòj l'è bon. A mangia ona tavoletta de qui li, l'è tant come disnà. Chi poeu gh'è ona bottiglietta de vin bianch... vòj, ma che vin! L'è propi de quell che beven i prêt quand disen messa!

Nane Va benon. In quanto al vin semm intès, ma te disi la veritaa, mi g'hoo el stomegh voeuj voeuj.

Lus. (Oh che bell'idea!) Ben, te voeut che te vaga a toeu quaicossa in del cervellee?

Nane Brava Lussietta! Questa l'è la vera caritaa della patria! Brava! Cerca de portamm quaicossa de corroborant... del salamm... di cotallett.

Lus. Sì, ma per i cotalett bisogna andà tropp lontan.

Nane Fa nient: spettaroo. Te le de fà sto viagg, fall almen per quaicossa.

Lus. Sì, ma ti intanta che sto foera, curà i floeu.

Nane Lassa fa de mi, che sarò per l'or ona seconda mamma.

Lus. Donca allora me raccomandandi, neh, ciao (p. p.).

Nane Vòj disi, te ve via senza dagh on basin al tò Nan?

Lus. Tè... ciao neh, a rivederci. (Andemm al Fossati).

Nane Disi, vòj se te dispiàs minga, portem magari on bocconin de gorgonzoeula tra el giald el verd cont i sò bravi cagnoeu. — Adess cossa faroo mi per inganna el temp? L'ozì l'è pader de tutt i vizi — bevèmen on gött, dove l'ha miss la bottiglia? — Ona lettera — Gh'è minga su de indirizz — la spuzza d'incens. — Basta leggemm. Brava sura Lussietta, adess te rangi mi. — « O voi che tanto adoro » l'è la solita. « Voi che amo più della mia « vita » i sò a memoria mi sti robb chi « Temo che ad ogni istante la mia passione « sia scoperta da vostro marito. » Comè l'è maridada? allora l'è minga per la Lussietta:

ah! che la sia per la padronna? Andemm avanti

« Questa sera io verrò da voi verso le 10.

« Io non aspiro che a possedere una ciocca del

« vostri capelli. Vostro marito alle 10 è as-

« sente. Ho trovato la maniera di allontanare

« anche la Lucia » Sentimm la maniera « So

« che ella è trasportata per il primo attore

« del Fossati: ne parla sempre. » Ah mostra!

« Questa sera io le ho procurato i biglietti

« per andarvi. Vostro per la vita e per la

« morte Modesto Berra, segrista della par-

« roccia. » On segrista, ah luder! vòj che

bell mestee che te fee! lassa che te catta mi!

e quell'infamma d'ona Lussietta che intanta

chè lee l'è là a divertiss la me lassa chi mi

a fa la fin del conte Ugolino! Andemm al

Fossati. — Sacch de palta! la porta l'è sa-

rada, la m'ha saraa anca denter! ma te vegna-

ret a cà e sacrafizi! (prende una sedia e la

rompe, si sveglia un bimbo, e si sente: Cìà,

cià!) On'altra adess!

Voce di bimbo nell'alcova Cìà, cià!

Nane Vegni, vegni!... Cossa ghe doo mi adess

per fai tasè? Ah si; per adess no g'hoo de

megio (assaggia il vino) Bon!

Voce come sopra Cìà, cià!

Nane Son chi... son chi... Ma se me veden mi

invece della Lussietta, se spaventen e vosaran

pussee fort. (*mette un vestito da donna che sta sul portamantello*) Adesso ghe foo ciapà ona gaina a quell biondo a tutt e duu e s'ciao.

Voce come sopra Cia! cià!

Nane Vegni, vegni, pover veggit! (*entra nell'alcova*) Tò el boun boun, (*a soggetto poi esce*). Adess staran ben; i hoo miss mi al l'ordin politto. Guarda cossa me tocca de fa a sti teneri anni! Domandi mi se me vedessen le potenze straniere, cossa disarien a vedè on guerrier de sta fatta a montà sta sorta de guardi? Ovej... me par de senti quaichedun che ven su de la scala. La sarà la Lussietta.

SCENA VI.

Eleonora, Berlinghini di dentro, poi fuori e detto.

Ele. Ma andemm donca: avanti col ciàr, che ghe poda vedegh.

Nane Acqua de belegott! Hin i padron (*spegne il lume e va nell'alcova*).

Ber. (*entrando col cerino acceso*) Adasi... adasi neh; guarda de no fatt mal.

Ele. (*entrando*) Bella educazion ch'el g'ha quell

tò cap d'uffizi! Invidà delle signore de ton come mi... fai vestì, fai incomodà, e poeu mandamm via perchè a soa miee gh'è vegnuu i convulsion. Meno male: andaroo in lett. Andemm.

Ber. Mi, se te permettet, voo debass al caffè a fa on scart a tarocch, perchè te see che poss minga dormi se voo in lett prest.

Ele. Fa come te voeut. (*chiama*) Lussia?

Ber. L'ha smorzaa el ciàr, la sarà andada in lett (*movendo verso l'alcova*) Vedemm.

Ele. No, no, ch'el se incomoda minga. Va pu tost a pizzamm i ciàr in stanza de lett, che adess la foo levà su mi.

Ber. Voo. (Come l'è gelosa! L'andass almen in lett subit! (*via*).

Ele. (*verso l'alcova*) Lussia, Lussia!

Nane (*in falsetto*) Oh!

Ele. Leva su, ven a desvestimm. È vegnuu nissun?

Nane (c. s.) El sur Modest.

Ele. Benedetto omm! El g'ha on'insistenza... L'ha diitt forse ch'el torna?

Nane Sì.

Ele. Coss'el voreva?

Nane I cavej.

Ele. La solita domanda: ona ciocca di mè cavej. Mai, mai,

ON SECRISTA IN DI PETTOL

Fin de quand s'era pivella
 Me cercaven i cavej,
 Me ciamaven la più bella,
 S'era l'idol di pivej.
 Me borlaven giò di spall,
 Come on sares de la vall.
 G'han avuu bell pari tucc,
 Giovin, vecc e maridaa;
 De moròs ghe n'era on mucc,
 Ma con mi han trasaa 'l fiaa;
 El mè coeur l'hoo conservaa
 Per quell'omm che m'ha sposaa.

SCENA VII.

Berlinghini con cerino acceso e detti.

Ele. Pizzaa el ciâr?
Ber. Sì.
Ele. Ben, ciao, neh, felicenotte; ven a casa prest.
Ber. Faroo tutt el possibil.
Ele. Semm intès. Addio.
Ber. (esce e chiude la porta a chiave).
Ele. Lussia, fa impressa (via nell'appartamento, oscurità).

SCENA VIII.

Berlinghini che ritorna con precauzione, spento il cerino e Nane.

Ber. Lussia... Lussia!
Nane (nell'alcova) Ancamò chi?
Ber. Sì, bacioccoeu! Hoo bisogn de ditt ona roba.
Nane Che robba?
Ber. Fa minga la cialla; t'el set ben anca ti.
Nane (in veneto, da sè) (Anca lu!)
Ber. E insci? Dove te set?
Nane Voso, vèh!
Ber. No, no, vòsa no! Te seret minga insci de-sgarbada in prima sera.
Nane Ah!
Ber. Di' la veritaa: te voeut che te regala la turchesa coi brillant che g'hoo in dit?
Nane Sì.
Ber. Te me lassaree basà la toa manina?
Nane Sì.
Ber. Tè (gli dà l'anello e bacia la mano) Che cara manina: (Ma la spuzza de tabacch! Che l'avess imparaa a fumaa?) E insci? Te voeut senti quella bella roba che hoo de ditt? (cerca inoltrarsi nell'alcova).
Nane (gli affibbia un pugno nello stomaco).
Ber. Ahi! ste fet? Te me dee i bott?

SCENA IX.

Lussia con lume della comune e detti.

Lus. Chi l'è?
Ber. Comè, ti chi? Ma te seret minga in l'alcova?
Lus. No, s'era dessòra in la sopressadora.
Ber. Ma allora chi l'è che gh'è denter li?
Lus. Chi g'ha de vess! nissun. (El Nane! Boja d'on Nane!) Ah forsi i fioeu...
Ber. Ma che fioeu! Hoo ciappaa on tremendo pugn! Ma li gh'è on lader! El m'ha portaa via anca el mè anell.
Lus. (Baloss d'on Nane! Lu bisogna semper ch'el porta via quaicossa!)
Ber. La tenda la se moeuv no. Ma mi a di' la veritaa, g'hoo on poo de spaghet. Andemm a ciamà i vesin della porta.
Lus. (intanto ha acceso l'altro lume).
Ber. Perchè te pizzaa quell ciar li?
Lus. (con mistero) Politica sopraffina. Vedend el ciar pizz, el credarà che nun siem chi a curall, e el vegnarà minga foeura.
Ber. Sigura. Va innanz ti... Cioè no, lassem andà avanti mi. Adess la vedaremm (esce).
Lus. (Intant l'andarà via) (esce anche lei).
Nane (sortendo dall'alcova) Adesso scampemo. Te saludo Lussia! Te lasso la mia maledizion... no te me ciapi pu eh! Intanto l'anelo del paron el xe qua (p. p.).

SCENA X.

Modesto e detto.

DUETTO.

Mod. (entrando) Cossa vedi: on soldaa?
Nane El segrista.
 L'è lu donca; sto fioeu d'on can!
Mod. Con permess, el saludi.
Nane El va via?
Mod. G'hoo quaicossa de fa in sacrestia.
Nane On momento... ej ch'el disa on moment
 Mi soo tutto... ch'el se sconda chi dent.
Mod. Come el sa?
Nane La Lussia m'ha cuntà...
 De la siora lu xe innamorà;
Mod. Sì, l'è vera, sont omm ancami;
 L'è l'amor che 'l m'ha menaa chi.
Nane La parona poco fa,
 Sti cavej m'ha consegnà,
 L'ha m'ha dito: a lu li dà;
 Dighe pur ch'el spetta qua.
Mod. Ma de bon l'ha ditt insci?
 Oh che gioja senti mi!
 La Leonora la ven chi?...
 Ah me pâr fin de mori!
 Ma chi l'è lu?
Nane Mi me ciamo Nan Scarpon, tromba al settim fanteria. L'ha da saver che son a part

del so segreto perchè la Luzietta la m'ha squaquarà tuto. Lu el xe vegnuu qua per la siora Leonora; ma so mario el xe tornado.

Mod. Allora torni a casa anca mi.

Nane No, ch'el se ferma, che la sciora Leonora la vegnarà a momenti.

Mod. Ma el sariss vera! La sura Leonora la ven chi? La me spetta mi?... Ma l'è possibil ma el dis de bon?

Nane L'è vera de bon, propio da seno. Prova della verità, ecco qua ona ciocca di sò cavej che la m'ha dà de consegnaghe.

Mod. Ah! I sò cavej! i so cavej! È troppa la gioja... mi manca il respir! *Ave maris stella!* (quasi sviene per l'emozione).

Nane (Mi 'l saveva ben che a qualchedun i g'avarìa regalai!) Digo... ciò non me far mattezzi... nol me fassa el piavolo, ch'el se leva su, perche la m'ha dito de sconderlo sotto l'alcova.

Mod. Scondem?

Nane Perchè, se mai ghe venisse so mario, la ghe possa far creder de trovarse là colla Luzietta a governar i putei.

Mod. Ah capissi, capissi.

Nane Drento, drento, mi la saludo tanto!

Mod. I mè ringraziament!

Nane Oh gnente gnente! S'immagina! Ona man lava l'altra. Paron, paron. (Che se la cava lu adesso, che per mi me la son cavada) (via).

Mod. (sotto l'alcova orecchiando) Senti quai-chedun... Di volt che la fuss minga lee... scondèmes sott al lett.

SCENA XI.

Eleonora e detto, nascosto.

Ele. Che la se sia indormentada ancamò? Lussietta, Lussietta!

Mod. (mettendo il capo fuori del letto) Leonora!

Ele. Cossa vedi! Lu chi, sur Modest?

DUETTO.

Mod. Berlinghina, mi son chi
Sott al lett per spettatt ti
Sent, bell'angiòl, damm a trà,
Sent, famm minga disperà!

Ele. Sur Modest, el me par matt,
Coss'el cred che sia? Oh catt!
Svelto, svelto el vaga via,
Prest ch'el corra in sacristia!

Mod. Oh crudella! Al mè dolòr
Te rispondet col famm còr?
Si, andaroo, ma chi sul sen
G'hoo la ciocca del mè ben!

Ele. Coss'el dis? ma lu l'è ciòcch!
La fenissa coi so mòcch;
Mi per lu son minga fada,
Sont onesta e maridada!

Mod. Sì, sì: voo via. Ma prima lassa che te ringrazia di tò cavej!

Ele. Coss'è ?

Mod. Sì, i tò cavej hin chi, e staran semper con mi, ehi sul mè coeur, tra la camisa e la pattonina. (s'ode la voce di Berlinghini) Ah! (con accento disperato) Semm perduu!

Ele. Ch'el se sconda, ch'el se sconda impressa (concerto).

SCENA XII.

Lussia, Berlinghini e vicini armati di fucile.

CORO.

Con prontezza, senza scaldass,
Andemm avanti, scurtand el pass;
Senza paura, coi arma in man,
Coragg, ch'el ligom su come on can,
Piano, pianissim, monta el grillet;
Alto ch'el ciappom chi sott al lett.
Tasèmm, tasèmm, andemm, andemm,
Con pacatezza tiremm, tiremm.
Alt! chi va là? E voeunna! e dò!
Alt chi va là? El rispond no.

(segue il concertato fra Modest, Nane, Leonora, coro, ecc.).

Ber. (vedendo Modest sotto il letto) Coss'el voeur di' sta robba?

Mod. S'era vegnuu chi a trovall. Come va la salut?

Ber. Passabilment; e lu com'el sta?

Mod. El ved sto benone.

Ber. (fra sè) (I pagn sporch l'è mej lavai in famiglia) (rivolgendosi ai vicini ed a Nane) Mi i ringrazi tant della soa premura; ma come veden, l'è on mè amis. L'è matt comè on cavall... el m'ha voruu fa on scherz. Che vaghen, che vaghen pur a dormi. Felice notte. (tirando Modesto al proscenio) Sur Modest, ch'el disa la veritaa: coss'el faseva là?

Mod. Ecco... ghe diroo...

Nane (piano a Modest) Ch'el diga che l'era sconto là per Lussietta.

Ber. Donca?

Mod. Ecco... mi s'era là... L'è forse colpa mia, se sont staa strascinaa dalla passion?

Ber. Ma per chi?

Mod. Ch'el scusa... per la soa serva.

Lus. Ch'el ghe creda no, vedel.

Nane (piano a Lucia) Tasi che la g'ho suggerida mi.

Ber. (La dava el sò amor a on alter!) Ma el g'ha minga vergogna, on servo della chiesa, de vegnì a compromett i serv di alter?

Nane Ch'el diga piuttosto che la serva la g'ha compromesso lu.

Ber. Comè, l'è ancamò chi?

Nane Sì, mi son qua per dover. Se no ghe dispiase, ghe tajo le gambe mi a sto sior (Modest si spaventa).

Ber. Oh tajagh i gamb poeu..

Nane Digo per dir..

Ber. Ma cioè?

Nane Se i permette, la Luzietta la sposo mi.

Ber. Comè! Dopo la scenna ch'è success?

76/1.97

www.43539.net/culturale.it

11.4.01

32

ON SECRISTA IN DI PETTOI.

Nane Mi so fatto così, cossa vorla? Mi no ghe bado.

Ber. Bravo lu!

Ele. Mi sont contentona. Che la spòsa pur.

Ber. E mi nient del tutt. Hin povera gent.

Ele. Ghe pensaremm nun.

Nane Intanto per la zerimonia, mi g'ho qua on bell'anelo. El varda com'el xe belo. (a Berlinghini).

Ber. (piano a Nane) Che la metta via! Com'el fa a aveghel lu?

Mod. (a Leonora piano) Semper chi, tra la camisa e la pattonina!

Lus. E al disnà de spòs chi l'è che ghe pensa?

Ele. Ghe pensaroo mi.

Ber. E anca mi.

Mod. E anca mi.

Lus. Allora mangiaremm per trii.

Nane Va là che va ben. Per sta sorta de bocche, no ghe vol de manco (suona mezzanotte).

FINALE.

Mezzanott l'è sonada
Fioeui battemm la ritirada.

FINE DELLA COMMEDIA.

- FASC. 26 *Debit no paga debit*, ossia *la Camorra di Poveritt*, commedia in 3 atti di F. Villani.
- » 27 *El mercaa de Saronn*, comm. in 3 atti di C. Cima.
- » 28 *La Lussietta de Sest Calend*, commedia in tre atti di Camillo Cima.
- » 29 *Stevenin a Colmegna*, commedia in un atto di Giovanni Duroni. — *On dolor de oco*, dramma in un atto dello stesso.
- » 30 *I barbellati*, commedia in tre atti di Camillo Cima.
- » 31 *El sciopero di madamin*, commedia in 2 atti di G. Duroni.
- » 32 *Stringh e Bindej*, comm. in 3 atti di C. Cima.
- » 33 *La statoa del sur Incioda*, commedia in un atto di Ferdinando Fontana.
- » 34 *La dota d'on ceregh*, comm. in tre atti di G. Duroni.
- » 35 *Chi le fa l'aspetta*, farsa di Eugenio Fattorini — *On fanatic per Verdi*, farsa dello stesso.
- » 36 *I duu Cusin*, dramma in 5 atti di G. Bonzanini.
- » 37 *La Pina madamin*, commedia in due atti di Ferdinando Fontana.
- » 38 *I Cartolinn postaj*, comm. in 2 atti di V. Ottolini.
- » 39 *On Episodi di cinq giornad, el 20 Mars 1848*, commedia in un atto di Gaetano Sbodio.
- » 40 *La mamma di gatt*, commedia in 3 atti di G. Sbodio.
- » 41 *On spòs sequestraa*, commedia in un atto di Antonio Dassi. — *On episodi di cinq giornad, El 21 Mars 1848*, comm. in un atto dello stesso.
- » 42 *Gaitan el Lana*, commedia in due atti di A. Dassi.
- » 43 *No gh'è rosa senza spin*, comm. in 2 atti di A. Dassi.
- » 44 *La Collana della Mamin*, commedia in tre atti di Gaetano Sbodio.
- » 45 *I Gabboloni*, commedia in 2 atti di Gaetano Sbodio.
- » 46 *El sur Pedrin in quarella*, commedia in quattro atti di Edoardo Ferravilla.
- » 47 *La fera de S. Giovann*, vaudeville in due atti di Antonio Dassi. — *La fera de S. Giovann*, vaudeville in un atto dello stesso.
- » 48 *On ricatt a Milan*, comm. in 2 atti di V. Ottolini.
- » 49 *El Santin ballarin*, comm. in 3 atti di G. Duroni.
- » 50 *A la Cassina di Pomm*, commedia brillante in 3 atti di Gaetano Sbodio.
- » 51 *Amor de Mader*, commedia in 2 atti di A. Dassi.
- » 52 *On milanese in mar*, vaudeville in un atto di Cletto Arrighi.
- » 53 *On'improvvisada*, scherzo comico in un atto di A. Dassi. — *L'apparenza l'inganna*, commediola in un atto di Eugenio Fattorini.
- » 54 *I difeti del sur Tapa*, comm. in 2 atti di E. Ferravilla.
- » 55 *El 18 mars 1848*, comm. in un atto di C. Arrighi.
- » 56 *Offellee fa el só mestee*, commedia in due atti di Giuseppe Volonté.

- Fasc. 57 *Nodar e Perucchee*, comm. in 3 atti di C. Arrighi.
- » 58 *El suicidi*, commedia-parodia di P. Falconi. — *El capott*, scherzo comico in un atto di G. Bonzanini.
- » 59 *On di de Natal*, dramma in un atto di C. Arrighi.
- » 60 *Dopo trii ann*, dramma in un atto di A. Dassi. — *I malizi d'ona serva*, scherzo comico in un atto di Eugenia Malinverni.
- » 61 *Ona man lava l'altra e tutt e dò laven la facota*, commedia in tre atti di Filippo Villani.
- » 62 *El cappell d'on Cappellon*, farsa in un atto di C. Arrighi.
- » 63 *On sord e ona sorda*, farsa in un atto di C. Arrighi. — *El casto Giuseppe*, farsa in un atto dello stesso.
- » 64 *Dal tecc a la cantina*, comm. in 3 atti di C. Arrighi.
- » 65 *La gent de servizi*, comm. in 4 atti di C. Arrighi.
- » 66 *L'idea della famiglia*, comm. in un atto per C. Arrighi. — *La mej manera de lassà la moròsa*, comm. in un atto dello stesso.
- » 67 *El Giovanin de S. Cristofen*, comm. in 2 atti di Valerio Busnelli. — *Oh! i nerv!* comm. in un atto di Enrichetta Oldani.
- » 68 *On prêt che sent de vess omn*, comm. in 4 atti di Cletto Arrighi.
- » 69 *La sura Palmira Spòsa*, comm. in 5 atti per C. Arrighi.
- » 70 *On ripiegh de nevòd*, comm. in tre atti trascritta da C. Arrighi.
- » 71 *Miee che secca? Mari che peoca!* farsa in un atto di C. Arrighi. *El Milanese in l'Isola* (Seg. del *Milanes in Mar*) da un vaudev. ital. dello stesso.
- » 72 *Carlambroeus de Montesell*, commedia in due atti rifatta da Cletto Arrighi.
- » 73 *L'amor vecc el ven mai frecc*, commedia di carattere in 4 atti per Cletto Arrighi.
- » 74 *I duu ors*, vaudeville di E. Giraud. — *La cocchia del can*, vaudeville dello stesso.
- » 75 *I consequenz d'on qui pro quo*, comm. in 2 atti di Eugenio Fattorini. *El matrimoni del sur M. P.*, scherzo comico in un atto dello stesso.
- » 76 *Qui pro quo*, commedia in un atto di E. Giraud.
- » 77 *Teresa*, ossia *Divorzi o duell*, comm. in 4 atti di Cletto Arrighi.
- » 78 *Ah, maledetta!* scherzo comico in un atto di Carlo Monteggia. — *El sur zio* — *Pin, Cocchine Zeffrin*, commedie in un atto dello stesso.

Si spedisce franco dietro l'importo in vaglia postale intestato all'Editore **Carlo Barbini**, Milano, via Chiaravalle, N. 9.